

## Cu participacion di mas cu 1000 mucha Parada di Blaas San Nicolas a cumpli 19 aña di existencia



- 26 di Januari 2014: Comision Parada di Blaas San Nicolas a celebra diadomingo ultimo 19 aña di existencia cu nan exitoso parada cual a conta cu participacion di mas di 1000 mucha. E parada di mucha a cuminsa den cayanan di San Nicolas cu tremendo participacion di 6 grupo. Ta trata aki di TOB Kids, cu nan tema 'Prins & Princes' cu 150 mucha, sigui pa Little Groovers cu nan tema 'Grooving Celebration' cu 300 mucha, Jolly Whiz Kids cu nan tema 'Shine Like A Diamond' cu 500 mucha, sigui pa Deja Kids cu e tema 'Deja celebrando 10 aña' cu 100 mucha y YMCA cu nan tema 'Rainbow' cu 100 mucha.

E parada a sali 1:00 di merdia y e ruta tabata e mesun ruta di Parada di Mucha di San Nicolas. E animonan tabata halto y e decoracion di e carosanan tabata colorido y unico.

Stichting Arubaanse Carnaval, SAC, ta felicita tur esunnan cu a participa y na tur e mayornan pa nan esfuerso y animo. Tambe SAC ta felicita nos muchanan cu a haci un bunita presentacion y cu a demostra nan talento engrandeciendo nos cultura.

Carnaval di Aruba a nace na aña 1954 caba, como tal e aña aki nos ta celebra 60 aña cu anualmente pueblo ta bini hunto pa muestra nos creatividad, ambiente y folklore manera nos so por. Na aña 1955 varios club y districtonan a bini hunto pa organisa e carnaval y di eynan a eligi e prome Reina di Carnaval. E parada grandi tradicional a cuminsa desde aña 1957. Pero tabata dia 11 di november 1966 (11-11-66) pa 11:11am cu a

funda Stichting Arubaanse Carnaval, SAC. Desde e tempo ey e fundacion, forma pa un grupo grandi di boluntarionan cu hopi entusiasmo, ta traha duro pa organisa e diferente eventonan cu ta atrae un publico grandi di nos

mesun ciudadanonan pero tambe turistanan.

Pa mas informacion di SAC y di tur evento di carnaval, subi Facebook, riba e pagina facebook. com/stichting arubaanse carnaval.

